

SDERECHOIL YU'UN TE AUDIENCIATIK

Te Ley Federal yu'un Telecomunicaciones sok Radiodifusión, te jich nakal ta Artículo 256, te jich ya yal bitik sderechoil ay yu'un te Audienciatik; na'a stojol:

- Ya'yel stojol sk'oplal-a'yeyetik te ya yak' ta na'el stojol te bayel ta ajktal ten snojpil yu'un ants-winik, político, social sok bats'il k'opetik ta swenta spamal muk'ul lum.
- Yich'el sk'oplal ya'yeyul ta yorail te ay bayel ta ajktal ten k'op-ayej sok steneten snojpil jich nixan te mach'atik k'ejel ay ya'yeyik yu'un jich ya yich' lekubtesel te xkuxlejal ants-winiketik;
- Jaik te concesionarioetik ma stak' yak'ik ta ilel ya'yel sk'oplalul mak yak'el ta spukel jich bit'il ya'yeyal yu'un periodística mak snoticiaul. Ja' me jich k'oem ta ayel sk'oplalul a teme yich' ak'el ta ilel-ya'yel spublicidad mak spukel sk'oplal ya'yeyal yu'un ta periodística mak snoticiaul, teme ay jtul concensionario ya yak' ochel ta sprograma sk'op ya'yey editorial teme k'ejel mach'a stojoe, te ma yejtaluk ya yich' ak'el sna' stojol te mach'atik yilik televeisi'on mak ya'yik radio. Te' ta scódigo yu'un Ética, te concesionarioetik ya me yak'ik ta ilel te bitik yich'ik ta wenta sok bitik ya spasbeik ya'telal swenta maj sk'otesik ta pasel te binti ma jichuk ta pasele, jich bitil nakal li'ta fracción;
- Ich'biluk ta muk' yorail te programaetik sok alan ayak'ik ta na'el stojol te bitik ya yich' jelel sok te biluk k'op a'yey ya sk'an yak'ik ta a'yel stojol
- Sk'anel sderechoil yu'un ya'yeyal, te bin ut'il nakal ta ley reglamentaria;
- Chikanuk ta a'yel ta lek te sk'op sok svideoil te programaetik, jich nixan te k'alal ya xlok'ta publicidad;
- Te k'alal ya yich' majanel te ya'telil yu'un te radiodifusión ma me stak' ay uts'inel yu'un ta ska swenta ba jachem sts'umbal mak teme ay slumal, te bin ut'il ay xkuxinel, te ya'wilal, teme manko-kojk, teme me'ba mak k'uleje, teme ay xchamel, teme xch'une kajwaltike, te bin ut'il ay snojpil yu'une, te me cha' kaje mak teme antse ya smulan ay sok ants mak winik ya smulan winik mak, teme stukul mak nujpunem, mak yantixan-a teme ja' yuts'inel xkuxinel ants-winik sok teme ja' a sk'an te yich' uts'inel te sderecho sok skolel xkuxlejal te ants-winiketik;
- Te yich'el ta muk' sderecho te ants-winiketik, te tulan skoltael ta stojol te alaletik, te ajktal ten snojpil-kuxlejalil sok te manchuk ayuk p'ajel, sok
- Te yantixan te nakatik ta yantik leyetik, ja'nax stukul-amene.

Jich nixan, te bit'il jich nakal ta Artículo 258 ta swenta te Ley Federal yu'un Telecomunicaciones sok Radiodifusión, te mach'atik ma'ba ts'ajkal yok sk'ab ja'me sderecho ya staik into:

- Ya yich'ik ts'ibujel, sk'asese ay'ej ta kaxlan k'op sok ta sk'op señail mexicana swenta yu'un jich ich'bilik ta muk' te mach'atik kojok ayike. Ja'i koltael into ya me sk'an te jichuk ya yich' pasel ta jtenuk te programaetik ta noticia te bayel mach'atik ya yil-ya'yik stojol ta spamal sk'inal muk'ul lum.
- Te yakuk yich' ak'el ta na'el stojol te bitik ya sju' yu'unik ta pasel, sp'ijilik sok ya sna'ik bitik ya spasik, sok nixan te ich'bilukik ta muk';
- Te ya stak' chikan biluk ya yich' tundesel swenta yu'un jich ya yak' ta na'el stojol te binti ya sk'ane yale, slekubtesel sok sk'anel koltael ta stojolik te koltawanejetik yu'un te mach'atik yilik televisión mak ya'yik radio, teme ma'ba sjelawel mak stoji'bal te binti ya yich' k'anel yu'un te concesionario, sok nixan
- Ya stak' stabe sguíaul yu'un te programación ta yajktalul ch'ajan tak'in mak ta internet yu'unik te concesionarioetik ta swentail nanix yu'un ate mach'atik manko-kojkike.